

知太上故以日用常行之事道之名之啓  
發愚蒙盡歸正道其上智之士當易境而  
行之則自然長生也何疑道於吏遷吳中  
幸獲考滿暇日靜慮洗心截長補短別義  
綴章少明

太上授受之餘意非敢為訓詁之師也遂援  
筆臨文似有神助不逾月而集成噫道不  
遠人人能弘道此之謂歟道於俚語鄙辭  
不足以宣揚

聖化之萬一謹取前賢之訓以為之釋其有  
不與經旨相符脉絡失經之處余以日用  
常行之道切於己身者證而解之如宅舍  
得安寧註之曰修身正心六畜保與生註  
之曰屏六賊淨六根似不失本命之事實  
延生之要訣也夫道可名可道如針芥  
之相投註幸備刊已就必聖真而是相雖  
文理不精識見不廣則不敢索怪搜奇以  
眩高人之耳目也道於愚誠以斯經力上  
析

聖朝一人有慶萬壽無疆官闈福千歲之秋

臣宰輔三台之化下莫歲時豐給民物安  
榮沉迷超碧落之天人我樂玄靈之道凡  
諸同志勿以人廢言當以命為重謹序  
元統二年九月九日玄陽子徐道齡齋沐  
焚香再拜謹題

太上玄靈北斗本命延生真經註卷之五

正一天師清微弟子 洪百堅  
道教學術資訊網

北斗延生經註解序

寸六

原夫太素未分無光無象混黃成化有始有  
終則昇清而滯穢輔善而貶兇置百二十曹  
局列於冥府造三十六部經祕於瓊宮度天  
人之有道啓含識之不昧余歎曰莫非三界  
十方天地人倫斯為以而道之紀也今竊見  
聖世幸逢豐年得遇皇朝將道德而安家邦  
效勳華而有黎庶而況天下晏然太玄彰耀  
今即啓有道之心者扶風氏等志奉日新慕  
真歲久禱

天祐而制凶魔求師訓而傳道要遂得邊陲  
峒山玄元真人明龍漢之玄文演赤明之妙  
與教符十洞三乘化列萬機一義註解  
北斗延生經一卷上則有飛神金闕中則有  
保國寧家次則有延齡益壽普度有情之品  
同登無礙之門於是謹作斯文用題經首李  
白謹序